

Transkription von Urkunde SAW 1449a

Ort, Datierung: Salzwedel, 1449-??-??

Signatur: Stadtarchiv Salzwedel, 285/18

Inhalt: Rat der Stadt Salzwedel: Rentenbeleg

Wy Borgermeyster(e) vnd(e) Radma(n)ne der Stad Soltwedell Bekennen apenbar(e) tugende vor
alliszwe(m)e dat vor / vns in yegenwardicheit desz Rades is gewes(e)n Er(e)n dideric kerkn prest(er)e
vnd(e) Co(m)mendiste(n) in Su(n)te / Kathe(r)inen kerken dorch syner syner leffhoued(e)n vnd(e)
aller Cristen zelen salicheyt will(e)n belecht to Er(e)n / Cossuns Co(m)mende zelig(er) dar
Ewichlik(e)n bij to bliue(n)de Souentich m(a)rck pe(n)ni(n)ge dar nu alle jar(es) / Mewes moller to
lutk(e)n wibelitze var giff druttich schepell rogg(e)n to renth(e)n Desse veffteyn sche/pell rogg(e)n
van den druttig(e)n hefft In vartijd(e)n betaled vnd(e) vppgeboret Er(e)n Cord winkelman zelig(er) /
also vthwiset de houet briiff desser vorscreu(en) renthe vordmehr bekenne(n) wii dat alszodann(e) viiff
vnd(e) / druttich m(a)rck pen(ninge) de Er(e)n Cord winkelma(n) zelig(er) hadde vth g(e)geue(n) tho
den druttich schepell rogg(e)n / In der Mollen to wibelitze , hefft vth gegeue(n) In vnser
Yegenwardicheyt Er(e)n dideric kerkn(e)n van / gehetes weg(e)n Er(e)n dide(r)ic klodens Er(e)n hinric
wichma(n)nes vnd(e) Arnd Cowlitzen Testame(n)ter(e)n Er(e)n / Cordes zelig(e) vn(n)d synt gekamen
to Sunter Clawes gme(n)d(e)n in vns(er) varberord(e)n kerk(e)n Des to me(re)r / thuchnisse is vnser
Stad Ingesege(n)l myt vnser witschopp vnd(e) fulbord gehang(e)n nedd(e)n an dessen / Brijff gegeue(n)
na (cristi) gebord vns(es) her(e)n virteynhundert jar(e) dar na in dem(e) negenvnd(e)vertigist(e)n / [
jare ...] ¹

¹ letzte Zeile verdeckt